

康對山先生集

康對山先生集卷之十三

五言律詩

普緣寺夜坐待月

夜宿普緣寺探杯聞妙詞兩君俱善賦一醉我何辭
澗夕漁來晚山高月到遲上方鍾磬發瀟灑勝年時
同諸君塔下看吳道子畫

塔下看名画天龍倏欲飛神工應獨契絕筆自通微
靈護魚龍窟雲含鴈負衣亦知經世代惆悵立餘暉
答汝溫中丞承之大叅虞佐憲副三君子經予
彭麓山房見懷之作

此地幽棲久非關物外心中丞仍有作畫省况遙臨
偶爾歸城市何能報雅音幾時重握手坐詠碧山岑
贈聶東之

兩宿華山下見君文采新聰明能應物豪爽豈同人
更聽炒堂語益清煙市塵影影楊叔子宜爾獨為隣
書懷

有弟皆英俊斯文應在茲如何背鄉邑安足慰支離
雁冷蒹葭影吟乖棠棣詩憂來渾不寐安得使君知
偶書

十載謝明鏡今知白髮饒無能乘海鶴有分灌園苗

酒向籬邊醉風從柳外飄百年如一瞬朋故漸蕭蕭

寄介夫

酷暑與君別悠悠忽仲秋南山將問圃黃谷可臨流
稻惜沙雞飯杯憐稚子謳遙聞多暇日好放戴逵舟
郭以方鳳谷別業

羨君丹鳳質卜築鳳凰巖此谷無凡鳥前峯有巨杉
泉濤落短壑竹枝引長鏡莫訝將鷁操朝陽待阿咸
雲

無能消暑酷有意結陰愆萬里澹無色三秋黯自懸
既難迴舜日不可障堯天望裏迷巖穴何時淨百川

聞警夜者

夜禁冬來密風塵雨後清樓頭傳鼓角原上極喧聲
盜賊尋常事關防郡邑名早能輕賦歛何必畏孤城

夢伯循

此夜谿田子層樓與我同避人看寶劍貫酒坐長松
笑語宛如昔文章新更雄晨簷有鳴鵲應過艸堂東

聞用昭消息

已促華山騎猶憐小玉詞半旬無鴈字何日到龍池
節序葵榴發風雲圭竇遲尚期歌白苧早為掣青絲

夢用昭

夏初饒曉睡夢到水西莊酌酒同調鶴乘風或據牀
兩旬消息斷幾月去留長想見新豐旆搖搖向夕陽

邀虞卿

居人猶苦雨行客意何如奈可憂能老還須酒共除
虛堂仍舊客小圃尚餘蔬擬作通宵飲無辭復過予
三月初用昭見訪東齋小集同賦

青尊拔客醉深夜落燈花艷曲依絃好纖腰逐舞斜
風流思杜牧落魄愛劉叉尚有千壺綠酩酊不用賒
東齋答張子

却憶遊山日山花開滿枝紅英俱爛熳綠萼未參差

歌向庭前度風從浙上吹十年纔爾爾老至亦堪悲
再夢用昭

不作相思夢春來為子頻歡遊纔幾日傷別又經旬
萬里關山道長年鹿豕隣應知詩卷裏漸比杜陵新
雨中有懷呂大仲木

為別動如此相思空自傷遙憐孤鴈影常落五楸莊
積雨音書滯經秋夢寐長豈無千石酒不可慰愁腸
是夜對月遲明叔不至

可憐今夜月獨坐欲三更清影自不寐佳人空復情
御盃呼稚子泛渚羨衰生乘興同誰賦孤城河漢橫

十八與長州叔宴後還內有感步月仍疊前韻
定遠昧前筭嵇康非養身百年同一敝千歲復何人
有酒應拚醉逢歡莫厭頻夜闌明月上感慨意彌新
文彥彬過予

訪戴嗟予懶衝泥羨尔行漾波千嶂黑涵照一庭明
颯颯頻催夢鏘鏘屢著聲愁來厭怀酌喚婦煮香杭
命妓

命妓同君飲能歌豈必多但令關逸思莫問夜如何
八表歸堯曆千秋息漢戈新來有佳釀不厭數相過
明叔晚至許西適大雨如注予無雨具不得奉

陪寄此二詩

大地長昏雨，天無寸青側。聞臨華戶，安得候虛庭。
世態悲飄瓦，人生類泛萍。蛩聲復淒切，今夕若為聽。

其二

早起扳高駕，遙遙立泝東。客來仍急雨，夜去復迴風。
館穀無兼味，逢迎賴小童。不堪心緒惡，愁極轉怱怱。
二十三日夜同明叔東齋小酌二首

永夜復鳴雨，與君惟短吟。孤燈照無寐，新月望猶沉。
籬菊猶堪折，園蔬太不禁。秋禾黍盡轉，使百憂深。

其二

薄酒聊斟酌因君暫息愁他時歎離索此文且淹留
萬石陶家粟千金相國裘不堪人事惡悵望朔雲浮

問粹卿

笑問蔣夫子何時入始平秋霖尚如此羸馬若為行
永黍心俱變聞閭力已傾平生不灑淚慟哭為蒼生

八月二十四日雪東明叔二首

積雨更成雪玄冥稜素秋已諳有生苦詎識無衣愁
使轡後旁午丁夫盡逐流報言振纓者曾為此人留

其二

天雨苦不止官程何太忙郊原漫若海水雪積如岡

願惜丁夫苦休云道踈妨諸公亦人子念念莫相忘
別明叔三首

握手未云極分携良苦心遙令遞杯酌何及弄鳴琴
愁緒雨中斷美人天上臨平生離別恨今夜更還深
其二

睇此檻中翦葳蕤行著花本期同作賦何意復鳴笳
虹嘴渡東水雲間嶺北霞習知天欲霽喑喑聽飛鴉
其三

累日開書卷同君坐艸堂可憐今夕興不似夜來長
歸去非遲莫詩成覺慘傷何當生羽翰時過白雲房

夜坐憶南川五首

極目潯西亭秋深山更青驚風林葉墮帶露野花馨
何處拚高興吾家聚德星新詩饒卷帙端合老夫聽

其二

華髮當明鏡紛紛非昔年慚無同輩客聊有夕陽川
往事真徒爾當歌或泛然所親俱落寞群弟幸多賢

其三

黯淡天初霽尖風巧送寒春令須急難風雨太無端
目斷巴渝月心驚岷漢湍歸來美無限不是薄微官

其四

丈夫輕萬石況此一官微
萋菲既時命風流從俗譏
自能崇雅操幸不殫輕肥
便作還耕計應知世所稀
其五

日日東齋坐思君君不來
艱難憂積雨徙倚望層臺
世道須英物林間愛濁杯
與渠常學醉何必步兵才
喜虞佐過二首

不覩唐夫子勞勞又復秋
丁寬原少儷劉向自難儔
對月懷高論臨風想勝遊
輜車何日到目斷滄西丘
其二

教法久傾廢惟君得坦塗
向來中夏試真是數年無

駕馭非吾道，逢迎笑腐儒。早聞溟海論，直欲媿潛夫。
寄伯循

近聞開講席，綿蕞授諸生。古道慚章句，時聞何重輕。
致知原有法，格物本緣精。今日章終士，勞勞唯釀名。
醉書示臬等二首

日日醉如泥，臨池自索題。百年今已半，九日賞應齊。
玉粟晨猶密，金蕤夜復低。何當乘鶴去，高臥鹿門西。
其二

弱冠已希隱，中年欣謫居。未能遵五典，聊可續三餘。
靜愛希夷榻，閒臨逸少書。所懷真不忝，俯仰益舒徐。

採藥

採藥南山下因過北渚邊偶宜盤谷杖何必岳陽船
靈均安期訣丹霞王屋天不須跨笙鶴便是子喬仙

送客

鄱亭黃葉下遊子暮何之龍劍慵開匣煙蓑常挂籬
風雲千古意捫闔萬年思何日歸王屋逢人托素辭

哭劉漢英

憶昔同遊日惟君有素心行多長者意動合古人襟
歛翼趨川邑思歸返漢岑九原先不作令我惜知音

郊行

霽野空山翠晴溪細水橫艸花初見濕香霧乍看輕
茅屋人過少危巒鳥入驚遙遙太白峽真可學無生
暮歸

汴上人歸晚深秋花木稠蒼苔侵館閣綠柳暗城樓
禾黍村村急人家日日憂入門燈火夜獨坐不勝愁
聽歌

夜坐靜無寐聞歌心更清山林容我醉廊廟任誰醒
且度梁州曲聊從洛社盟二毛催暮色於汝特關情
寄敬夫

往日終南下無能整宿歡泊還西堂後益重北風歎

人事自勞午君心莫棄拚空思華陽吹已似石門彈
鳴岐宅集

訪舊過華邑傳杯列夜筵良宵吾欲醉佳節汝當憐
小妓歌金縷奚奴拂綵箋明知鳳泉下疑是洛陽川
夜坐聞歌

靜夜聽歌聲絃危調轉清寒泉暗瀑玉春柳晚啼鶯
宛轉傷予意悠揚感客情白頭誰料理聊且慰愁生
戲北山子三首

掌上莫須飛庭前謝舞衣君腸先已結妾意竟何歸
且作當筵燭休為去婦機辛酸君自識姑勿問容暉

其二

少小畫蛾眉君心知不知承歡開錦帳拜月問佳期
莫以韋娘妬空含越女悲薄言如可薦不敢辱恩私
其三

一自當君夕芳心更不移欲調秦女瑟恐負晉娥詩
帶喜鴛鴦刺心嫌鶯燕窺憂來尋碧艸沾臆淚如絲
望乾陵

乾陵直北是遙望逼天齊開物羨群策危邦傷艷妻
履霜懷昔戒遵祖豈今迷千古經遊客空餘感慨題
經秦莊襄王墓

碧艸秦王塚青藜吏部莊
駢圖潛易昌水德竟終襄
松閣春吟好花開畫倚長
古今同一盡遮莫負年芳
過愛松宅看花

別院好花枝移尊看舞衣
彩雲聲不斷紅拂對偏宜
倚檻迷新辦侵階落舊糝
春來終日醉不數習家池

到家示南川

遊山君亦倦探勝我猶狂
祇欲從吾意焉能似俗忙
阮生非避蔣繆襲已慚楊
城北園亭好嘉期幸莫忘
渡渭

秋波仍未闊上地雨湏穠
鳥自雙崦度人從二曲崑

野僧空戀客，蒸露已沾衣。頗憶東崖險，慙無鶴背飛。

懷李二獻吉

平生當代傑，文賦似班揚。有志摧奸宄，無能立廟廊。
影零依汴水，落魄問衡陽。空抱靈均意，誰人草薦章。
再讀浹陂之作

此曲今希有，予歌怪底長。直堪追雅頌，不但覩文章。
水調慙蘇子，魚飧笑孟嘗。勞勞塵坱圉，誰識老夫狂。
夜入旅次

嚴城初夜入，一片角聲傳。蹄跡逾滑飛，雲濕自懸。
中堂無四壁，右序有三椽。何似揚雲宅，蕭條演太玄。

別女

欲去百愁生嗟予別汝行肝腸千折痛荼苦一身丁
徒有關心淚誰為切骨情所期嚴節物聊以慰吞聲
贈無涯子二首

為別忽如此相逢今若何且沽桑落酒休唱郢中歌
白髮經春變衰顏倚醉酤歎君風力好籍籍動關河
其二

逐客三年臥幽人萬里心世方同日月吾敢薄山林
大義猶飛動虛名故陸沉聞成兩都賦傳示莫因尋
雨霽望少華山簡公望

孤坐艸堂靜雨晴山更佳曉烟開嶽麓夕日照泉涯
疊嶂皆疑翠連峯盡放霞使君高興發誰與泛靈槎

贈歌湖子

緊自華山發龍池與不窮豈惟觀妙句尚欲醉高叢
大藥終期熟靈筵半已通幾時重握手遊眺極空闊
說經臺

曉轡衝雲上天香滿路聞五年三眺此百歲幾同君
玉峒風烟渺丹臺羽節分憑高無限意何用北山文
普緣寺塔下

拂石看名題探杯坐琤溪岩花嬌欲發山鳥聒爭啼

樵徑穿雲入危樓倚巖齊若非歸騎但直過象峯西
華陰道中望嶽見南岡使

東行經華嶽拂霧望危峯斜日明巖雪微陰薄澗松
隔年情尚繫今夕興空濃不意南岡使遙遙又此逢

嶺底鋪

西嶮夕日下始達太行陰才喜羊腸盡仍愁蜃壑深
愛奇情半慊愴昔意逾深回首函關道鄉心太不禁
桃花洞同呂子登蘇解州三王上舍立舉人集
二月二十五日也

客至桃花洞桃花半已飛感時方命駕乘興忽忘歸

引水臨花塢看魚坐石磯不知人代裏何事苦依違
靜林寺同呂子及王丘四子集

蘭若倚天開晴山萬壑迴我來拚一醉共子坐層臺
鶯燕窺歌吹風煙拂艸萊即非王子晉瀟灑亦雄哉
王官谷簡王丘四子

聞道王官谷林巒足勝遊偶然同一覽真已陋三洲
天柱風烟斷仙源日月浮重來詠磐谷應是待高秋
答客

用舍非人意行藏吾道存生成俱是德放逐詎非恩
萬千懷沙賦淮南招隱文明時無棄客莫踟敬亭雲

平生

平生期歆畝及壯入烟霞難繼達人獲聊依處士家
虛名同逝水薄宦等搏沙事業群英在何勞放海槎
南川自盤屋歸以詩問之

尔向南山返予方華岳歸勝遊俱不忝幽興未全違
雲裏仙人館沙邊漁父磯此行如有作好為老夫揮
再經德充園林

前日追遊地佳期予復來道經玄宴圃思遶碧雲臺
萑菑方擎雨林臯未試雷詎能遊五嶽且自擲千杯
園亭夜歸聞諸君餘興不已謾成

夾踞鳴蛙聒藍輿及夜歸仰天欣見月
氍毹畏沾衣
首夏園林好良霄燕賞稀諸君高興發
若可遲朝暉
送侯應乾還山居

送尔還山去匆匆未盡歡大都為學好
莫謂濟時難
隱見非人意從違任自安鹿門芳艸綠
休薄鵲鷦冠
贈別德敷參戎往肅州

君向瑜關去秋風待鶚飛白鞮清部落
青海豎旌旂
貢賦從來久隄防近事微班超亦男子
莫使寸心違
贈權裕二首

一自京華別匆匆十七年相逢頭似雪
坐論思如臬

笑我山林僻羨君廊廟賢西巡有民瘼或可一安全

其二

春來仍苦旱萬室鬱如焚不意隨車雨潛通伏岫雲
間間回氣色卉木動芳芬尚欲聞餘論東堂夕待君
八月三日雨至初六猶雨因絨南川

雨中連日滯頗覺見君難定有秋懷作應留年坐看
芙蓉新自好菡萏久仍殘巖洞西南澗同誰聽激湍
八月五日夜坐

秋雨夜逾急燒燈聊自吟階蛩聲不斷簷簾氣仍侵
無寐誰傳酌多情獨撫琴歲時奄忽裡回首見蕭森

贈甘公才還內江

問弟來仙郡探奇眺畢原行吟非效屈高臥謾同袁
此日三巴踞何時五柳軒朔風催去馬好盡白雲尊
送呂九川

潯西一尊酒送子赴滇南地與蠶叢接山當桂口函
平生金馬賦此日玉門談佇立看恢闢秋深待北驂
寄題西軒

賢王開邸舍日日對琴書客有鄒枚榻門餘黃綺車
朝暉明別殿夕照護文除看取優游興東平更不如

對山集卷之十三

康對山先生集卷之十四

五言律詩

元宵與德一夜話

今夕值三五嗟予年已長
無能遂良覲空自坐虛堂
世論紛紛異閒情日日忘
中春俗事畢南去覓雲房
十九南川携酒見過

天心或如此吾意徒憂傷
酌酒情逾好吟詩興自長
伯陽原習靜夷甫故成狂
行樂從今始同君日萬觴
三日遇雨

南眺杏花塢詎令微雨妨
烟亭空有色霧壁謾浮香

枝迥玻璃濕。麝歇琥珀光。隔年期此醉。風雨莫深狂。

符氏崖峒小酌

勝地宜攀賞。重來興益長。巖花當座落。徑草隔籬芳。
皂蓋乘春出。青尊及晚香。君非彭澤宰。何事滯柴桑。
及符氏泝園觀望

極目花如繡。當筵酒似油。共來佳麗地。始識林塘幽。
踈徑穿芳艸。河洲狎野鷗。丹霞崦外出。何羨武陵遊。
送許廷美方伯赴浙

子向弘農去。何時到越城。萱闌春自永。墳館和仍清。
兩載巴渝路。三朝廊廟情。憑君看寶劍。好為靜挽撿。

贈趙惟誠二首惟誠名敕內江先生子也

繫予方弱冠委質事尊翁愚以詩書啓非將禮樂攻
依歸逾二紀感激切孤衷見汝雲霄上依然有父風
其二

少小憐瓌異風標壯愈成豈惟吟五字倏見出群英
談吐皆豪論周旋切素情行藏須長厚遮莫似諸生
出東原

端居嘆逝景節序忽清明斲作晴原眺兼聆春鳥鳴
松楸滋世澤禮樂發休聲巡德今吾事傳家賴晚生
答德充

汝遂還山願應知慰我私開軒同看月對酒共持卮
欲擬梅花賦先呈棣萼詩詎言畢吾志形迹愧昌時
送丁原德往河南二首

之子憐同調別予來竹溪義深石大傳情重庾安西
遺愛關南誦高名北斗題素心常不染真與古人齊

其二

客向河南去臨岐意惘然春風催去鷁和氣表新年
綠鬢今俱變青尊好共延漸臺如有賦莫惜玉華箋

寄李仲南

開緘覩珍翰高義欲凌空秀奪乾坤秘才當秦晉雄

清秋過不謬高會約還同倘並張平子令予見古風
贈端侍御還京二首

服義應吾道探玄坐不辭神交何用背顙脫在逢時
遺惠千夫口清風五字詩臨岐意無限不是愛君私

其二

此日關河事封章定幾篇豈惟凋敝極直與死生連
幸覩安危論如窺寥泬天丈夫千古意好為世人傳
答熊子修侍御

共坐草堂下清歌鳴綠絃百年身易老千古事空憐
命子沽春酒同君眺遠天便無雙鶴舞亦是地行仙

宿聖壽寺有懷子神

野徑通蘭若新詩凌庾卿
長槐千樹直斜月半窓明
緩步人俱寂微吟鳥不驚
何當同坐此聊復慰閒情

九日懷王大敬夫

秋深與子別此日又重陽
目斷終南曲心懸衍慶堂
芳園松桂瑤艸閣艾蕭黃
不得同君語空回九曲腸

賞花遇雨

好雨及花時花開雨若滋
飈風分朶朶映水故枝枝
膩蕊歌朱露天香點綠蕤
花神須有意痛飲莫相疑

二十五日時濟法曹明叔整屋二公見訪雖賦

昵極周一旦鮮携悵惘何限因賦小詩見懷

美人相續去獨我坐空林笑語幾時再相思今更深
通通大微坂寂寂武陵陰不見同懷者誰知塵外心
許西山房同東谷夜坐七首

今夕復何夕高人過許西笑予垂露翼憐子蹶霜蹄
宿雨波濤激空林煙霧低不堪君欲去含恨托詩題
其二

雲開月半蒼積晦匿朱陽誰復思民瘼人皆炫色莊
妖氛千里闇禾黍萬家傷君若還京邑煩將達聖主
其三

疎嬾賴君知非才棄盛時已看齒半落莫問髮全絲
潤跡樵漁社潛身雁鷺池若求真偽辨唯幸蓋棺遲

其四

君昔宦海清清修幸早聞氣凌吳太傅詩似鮑參軍
萬仞龍潭水三秋華嶽雲壯懷全不奈安用惜微醺

其五

秋老蒲初黃鷄肥酒復香已拚成酩酊且莫問行藏
車馬辭山邑旌旂指太行平生持正論詎肯信灾祥

其六

三年滯雍州此去復當秋宦况悲燕市歸心折庾樓

抱奇羞魯割濟溺賴商舟莫似長桑子勞勞臥一丘

其七

此去承明殿風霜屬豸冠務令豺虎避休遣鵲鴝寒
遠道還休問深杯且共歡倘來逢驛使先與寄平安
九日同長洲叔及諸弟浙西登高二首

許西晴自好况復酒筵閒微醉聽哀壑長歌坐曲臺
三秋愁欲盡九日喜還來興劇催歌舞同期酩酊迴
其二

諸弟俱英物名園復絕倫都能吟五字何止冠千人
明爽真無敵風流似有神醉歸扶杖屨情意轉堪親

同王尊師過許西

避人接此地庭檻盡宜花豈意停仙駕同來翫物華
芳菲回首歆氣骨逐年差徒羨長生法蓬萊詎有涯
醉後

花前坐綠莎微吟復放歌三春行欲暮一醉莫辭多
白髮賓朋盡青雲鷹隼多亦知慚角里且共學唐佗
亭上作呈客

雨過夕陽下幽亭風色清辟公皆發興野客正含情
翠篠當軒茂蒼苔匝砌生直南瞻太白不醉若為情
八月十八日雨後過艸堂二首

秋來終一雨雨後漸涼生我坐草堂下憐茲山水清
嘯歌者擲涕徙倚過松坪但得灌園趣何勞處士名

其二

緊自中秋到何曾見月華濃陰蔽霄漢積雨損桑麻
夕霽標林影晨興及水涯擲邊清意發若坐列仙家
答太微夜坐之作

良晤寧辭飲君才道所蘊乞將春後興好向坐間揮
小院風生竹閒庭月到扉都能觸吟思豈可詎言歸
許西賞花杏花亭小坐

不作中林宴匆匆已二年堦低殘艸上花密野藤牽

樂處移歌席。歡時辦舞筵。杯來若辭醉。應負酒如泉。
謁后稷祠

翠栢籠香殿。蒼雲蔭石苔。春深迷古砌。日夕暗層臺。
文德通時夏。蒸嘗尚有邠。萬年瞻廟貌。茅土亦悠哉。
謁唐太宗皇帝祠堂

宇宙思真主。乾坤屬盛唐。發祥遙類禹。戡亂遠承湯。
日表千年頌。龍章百世光。故鄉餘廟宇。伏臘見馨香。

次韻襄陽澗南卽事

涿秋動成恨。遣興過田園。木落驚林曠。川迴聞瀨喧。
結茅縮小榻。負日坐空軒。嬾誦封書藁。呼僮課五言。

谷口亂石小坐

此石何年墮。疑從太始來。崢嶸礙雲日。猗角似樓臺。
定徒蛟龍窟。非嚴虎豹垓。山濤驚客枕。夜夜若風雷。

呈北山

賈得一壺春。幽齋醉旅人。既能麾藥物。即可悅心神。
僮子青精飯。微君烏角巾。看君逸興發。不羨李西筠。

立春日臨鏡戲成三首

十年再臨鏡。兩鬢素霜盈。不意神光側。依稀玄黥生。
災祥空衍兆。倚伏竟難明。吾豈長沙相。傷心有賦成。

其二

昔遇王公濟言予骨相窮官當六品上筭約五旬終
生死湏人理窮通係化工果能返元始吾意益從容
其三

舊識叅同事頻年未得謀乘除原有數喪亂實吾憂
所遺渾如此遙思豈自由引杯忽成醉冲抱隘三洲
八月十四日往許西遊覽

中秋喜新霽予來幽思深誰將三釜意慰此百年心
撫杖憐孤影開簾見遠岑直湏沾一醉高卧聽蛩吟
馬嵬道中逢許由之

子向岷山去予為華嶽行相逢歎岐路微語見平生

秋色霽方好夕雲風乍輕無能共延佇
落落媿予情
渭南邸舍夢亡妻二首

死別已十載夢魂才一逢尚能携亂子
仍與慰衰容
有恨何曾斷無由詎可從九華吾果就
挈汝躡仙蹤
其二

老境忽如此後圖當與誰空將萬行淚
灑作一生悲
宗祧雖先訓生成實命為躊躇不寐寐
微月上宵帷
榕兒豆痊

有兒新出痘及歷幸無虞全藉神明力
聊為衰老娛
悟玄非向秀殖產愧陶朱更得看婚娶
吾生何後拘

送劉遠夫往蜀

君向巴州去何時入劍門隴雲低拂旆秦雨細當軒
馬首空相望秋初幸討論關河凋弊久黎庶憶劉琨

十三日同雲夢南里漳川及二甥於沂東集

緝園乘雨霽散步玩溪清何事烟波叟常為禮法縈
岩花幽自發林鳥靜爭鳴坐有長沙客新詩若可成

送尹長史

送君雍原上春色最宜人握手意難盡還家興轉新
地官仍偃蹇王傅屈經綸可似峨嵋下逍遙折角巾

贈馮文旭秀才

君豈馮唐後承 恩亦暮年草堂題處士烏帽仰神
仙桃李門牆麗桑榆杖屨便著書如有暇肩與過談
玄

積雨

積雨春林杳看花興已闌空將貰酒意竟作抱株歎
處士薔薇座先生首著盤從違味前筭大笑鹿皮冠
李臨泚祠

佐郡自何年金城祠祀虔清風當日誦美政此時傳
柱史碑同愈詩人記類遷令孫見道德臺表獨稱賢
西岩石室與李侍御飲

相對西巖下初秋暑尚繁孤貞時共棄幽操竟誰原
感子累相問嗟予乏可言奇才當聖世幸以慰元元
戊戌除夕

除夕傳椒酒呼童舞柘枝孤懷久愈白雙鬢近尤絲
座有痴兒戲門無樗馬嘶衰殘須自愛遮莫似年時
春日贈劉嵩陽二首

忽聞嘉客至載酒遲春郊社鼓川原合巾車遠近交
岸容回淑氣柳色動寒稍即此堪行樂何須少室坳
其二

洛下文章士年來訪隱居側聞光義父幸覩笑談初

邂逅誠非晚，追隨良有餘。丈夫康濟事，不可愛吾廬。

送鳴岐

季夏君趨蜀，相看手重携。一尊石室下，萬里峽天西。
官舍連威茂，郊廛雜象犀。諸生有司馬，丞與寄封題。

別南溪

友道新逾廢，奚容一眦微。韋弦嗟子去，唯諾歎人非。
有論應緇櫝，無媒獨擁扉。秋深澄夕霽，吟覽思依依。

送周愚齋

華山聞子至，中道忽相違。綉嶺君西去，交河予北歸。
才華雄楚甸，光采照秦畿。倘有浯溪訪，何妨夜典衣。

臨潼逢芥山笑齋

又作臨潼會風沙欲語難可憐當砌月不似在臺看
跋涉侵衰憊回翔柰羽翰空將斗酒意何計報任安
送呂幼誠

冬日長安道匆匆喜見君鳳毛原有彩虎革自生文
雪凍長河水風開華嶽雲此時君北上不可惜離群

夜坐

坐久吟成劇燈花墜復重紫團烹雀茗香玉煮雲春
刻燭教兒賦更題且自封始知杜陵老無日不從容
十四日夜谿田涇野至對月有感二首

令節仍高興，慙慙二老過。蟾光如有意，亦向座中皤。
未暇論心事，先呼酌。叵羅通宵歡，不寐言笑轉婆娑。

其二

此約先年訂，深愁風雨妨。積陰當夕歛，佳興共秋長。
壯志冲牛斗，長歌叶鳳凰。關中餘數老，垂白未參商。
五言排律

送馮二時宜丈還鄉

十載皇飛動，年來猶寂寥。文章能自誤，義氣竟誰超。
生計餘風雪，窮途益悴焦。故書行不置，重榜久還凋。
夜飽三庖飯，晨看七貴鑾。飛騰慙化日，偃蹇愧昌朝。

抱霧春當發，舉雲晚更翹。兒寬終帶印，貢禹已聯貂。
後節如能礪，前程自合遙。臨風看行李，短鬢益蕭蕭。

送澄甫

秋色澄京邑，佳人萬里歸。浩歌今夕共，鄉約寸心違。
同薦憐君後，先登笑我非。才如蘇季子，句擬謝玄暉。
蘭省春風失，天涯夜語稀。功名終屬謝，軻坎暫同韋。
鳳羽晴霄濶，鴻飛露渚微。楚丘看渭水，灞岸問秦圻。
踈渺悲餘事，家貧典故衣。願君重努力，好以報庭闈。

送蘇明府天秀赴榆次

此日人同醉，憐君却獨醒。神鳥飛曙海，丹鳳翮青冥。

氣象俱恢拓才華况寧馨詩篇窺杜甫標格詫嚴青
邂逅長安市追隨大宛亭文章俱可誦議論總堪聆
且喜趨陪早仍沾禮數縕薄書勞大邑陶冶發天型
解錯施餘力烹鮮歟獨經地為唐帝國治越魯彘庭
政貴全三善仁湏慰萬靈直當蘇困憊不可狎鼯鼯
理劇輕推轂剗煩易建瓴長亭聊駐馬別渚送揚舲
餞酒沽燕肆離歌徹鷺汀遙迎今夕盡想像後時專
每笑秦雞伏寧聞朱犬寧千夫奔道側萬室望郊垌
地俗連朝邑王風閔井陘知君有奇抱端可報明廷

秋興

山翠忽如此乃知積雨餘微烟當砌濕涼月度窓虛
好客趨承倦投簪禮法踈耽原無遠駕習靜得方書但
取杯中酒聊同澤上漁微醺歌白石落拓復誰如

得涇野書兼聞君錫云留都士類尊承之盛感
而賦此

睽別今三載相思浮九秋偶承書札寄益重草萊憂
知己飄零盡同心汗漫求蘇門唯獨嘯彭麓未羣謳
夢寐空相及追隨詎有由所欣人事好更喜客懷優
踐履原非偽從違亦有由扶搖看鳳翥消灑羨龍游
昔去方懷憤新來亦笑休乃知修已樂豈似釣名羞

傳習爭相授西銘弃未收世情尊怪異吾道益沉浮
朱紫色難辨薰蕕氣不投可能恒觀李尚尔日懷劉
禮樂新方振疲輦漸亦瘳請纓漸壯志投筆異前儔
丹灶朱將伏烟霞清可留行當揖人世與子玩羅浮
送謝給事左遷雲南典史

遠謫滇南去知君報主心 聖恩原自濶天道實難
忱酷暑陳倉道清秋鶴慶林和熊先已慰韓楝殆同
音唐介還徵對千秋亦賜金虎頭煩自重莫羨宓生
琴

十四日得舍弟德充消息

此日嘉州使傳聲謂汝來逍遙將兩月凝望倏千回
浪指寧羗信空營駐馬杯笑言今始得懷抱遠同開
李愿非俗客岑參本絕身月明巫峽賦端合為君裁
奉壽東原老先生

間氣扶鴻化昌時得鉅儒我師關輔茂高義古今淪
執禮欽程伯言文陋董狐數奇場屋蹇道在性情孚
未薄常州幕何慚楚澤虞君貧餘豈弟望重極樞趨
桃李乘春徧芝蘭接歲殊素心原不染美玉詎求沽
遲日明仙館靈光拂壽圖願食千載藥與世作規模

寄仲木

不見呂夫子三秋倍惘然
陶潛杯搃廢徐孺榻空懸
景邁音逾滯情幽帛未傳
襲聞停藥裹今覩富詩篇
賈誼哀湘水楊雄上太玄
群趨方緬緬孤操益蠲蠲
道以死思泰才因倚俗偏
聖狂同偃蹇條貫異純全
中尉歸何早司空晤不延
憐君滯江國何日是歸年

寄佩玉

與子長安別相思直至今
埋輪知孤操持斧見雄心
愧我踈慵客感君金石音
看雲尋碧草習靜卧蒼林
竟欲徵王粲予當詣漢陰

送王伯聲

凋敝關河劇調亭得異才渥澤方被物重職已遷台
西楚陽春至中天正氣開旬宣歸旦奭翰墨陋鄒枚
不及河梁餞空思使旆迴范公終建節謝傳亦登臺
聖主元元慮微公孰與開

對山集卷之十四

康對山先生集卷之十五

六言律詩

與歆湖子過龍潭小坐西望見東谷子方從
道馳下

幸覩龍潭新漲即看驄馬西來佳地豈宜獨賞好懷
今擬同閑歲月去如流駛登臨何似含杯若待辛夷
花發應憐飛鳥難回

北山庭內望月二首

倚杖閒看明月傳杯漫拂瑤箏檻底風光乍好階前
咲語忽驚別院晚梅盡發天涯芳草初生往古豪華

如幻方來歲月休輕

其二

昔宦同朝御几今歸共隱雲山人海繁華易歇虞淵
斜日難扳幸得新來俱健更于莫節微閒一咲宛非
前度石壺聊慰衰顏

靈口西堡望見驪山

行次零口西堡原崦忽見驪山赤日黃塵天際蒼山
碧樹雲間春暮芳花未覩雨餘濁浪猶瀉太息獨思
往事微吟且慰衰顏

普緣觀眺次仲默

地僻柳條初綻春深小桃未花草房凹口雲散蕎麥
山頭日斜傍壑數椽僧舍隔谿幾處人家龍窟茫茫
俱水蒼烟裊裊無涯

七言律詩

寄李承裕二首

諸葛辛勤無了日三邊凋弊欲何之頃聞洗滌皆殊
昔頗謂驍騰亦盛茲社稷有靈終伏虜英雄當事必
匡時金滕王積雖人意婦織夫耕獨我思

三春數枉故人書厚德年來欲報疎幸有知音堪問
訊誰能感事不躊躇西亭素壁愁經眼北地安危切

繫予稍待昇平無別警東岡休負草堂居

寄李孟弼

憶昔交遊子最親如今蕭瑟有誰鄰尺書未盡腸千折一別那堪歲十春用舍豈關丈夫事雌黃休念小兒嗔即看皓齒清歌者可是金閨玉署人

獨坐

梓里逍遙又一年風光何處不堪憐山禽應谷聲逾碎露菊侵堦影自圓策杖有時臨碧水移床終日卧蒼煙斜陽牧笛從吾意漉酒呼隣興灑然

秋意

座裏秋風絕可人。回思炎溽尚傷神。且看曉色清如洗。
轉覺寒光翠欲勻。松下有時雙鶴舞。溪邊無數白鷗馴。
便須酌酒酬心事。莫謾支吾愧此辰。

聞王大敬夫將至

城頭日落雲氣開。偶聞故人騎馬來。論心酌酒還今夕。
漫興看山定幾回。身事悠悠已堪笑。岐路茫茫何必哀。
我已長歌太白峽。世態炎涼奚有哉。

行次渭原里過雨

日中行次渭原里。細雨斜風故故來。已幸未迷太白峽。
何愁不吟空翠亭。舟人蕩槳順流去。估客驅車衝

泥廻咫尺終南休造次魚龍窟穴莫深猜

九日晡聞禹學將至

相逢細論公家事此意蕭條欲語稀五世尚能酬素志此生何敢忘彤帷英雄屈指惟公是豪爽於人似我非明日欲行行更好邊夫無數望旌旂

王女洞

當年鶴背誰同去此洞空留王女名勝迹我來徒極目高峯雲去正含情千秋不改龍潭色午夜猶聞玉佩聲惆悵夕陽歸去晚滿溪春浪鬱琤琤

從仙遊行入黑水谷五里草房四

谷口尋源入漸深回巒相接畫陰陰嶼禽掠水應愁
下野鶴穿雲太不禁暝接草房烟漠漠樹當岩岫綠
森森重遊始得名山趣老去翻慚少日心

華州張子梅花亭小酌二首

梅花亭上午陰涼芍藥欄邊春畫長霧髮雲鬟望處
好羅衣金鈿坐來看嬌歌欲遣征鴻下妙舞空疑乳
燕狂咲殺西溪能愛客滿缸常釀鬱金漿

羸馬東趨少華山小亭新構白雲間茗溪日麗人猶
醉碧樹陰濃鳥自閑漫興詩成天欲曙壯遊心老鬢
仍斑東峯聞有登臨客渺渺仙蹤若可攀

別太微

養生無狀病經旬藥裹扶吾更有身明日將歸休恨
別他時再見却相親嵇康枉作形神論魏野終非翰
墨臣早晚南山雲氣發請君天際望綸巾

送馬公濟

此日西堂感汝來前年曾憶入金臺含杯不醉真堪
笑對月無題亦可駭隴右幾人稱鉅臂囊中多難必
殊才春風躍馬休閒耽早向龍荒靖虎豺

答用昭德光

年來唯與白鷗群春暮誰知兩見君幸有青尊須縱

飲況當明月更論文山房窈窕穠花發水閣迂迴芳
草芬長句短吟俱大雅朱輪花轂亦浮雲

悼于鵬亡妾

素心不逐彩雲飛香夢空將翠簾違白紵定裁天上
曲青鸞應伴月中歸此時洛賦悲羅襪何日湘絃拂
蕙幃荒草孤墳埋玉處夕陽西望苦依依

雨中柬王二拱之二首

暑天不雨秋天雨禾黍終蘇生意傷百室嗷嗷爨薪
絕千壑洶洶波濤狂龍師自欲乘雲氣真宰何時見
日光問訊西臺王給事可能蕭散賦滄浪

積雨已增居者憂客心當此若為愁中宵滴瀝何須
爾累日淹留豈自由獨有酒杯堪漫興況無公事惱
清遊行當跨蹇携家釀且莫驚秋憶釣舟

十六夜次韻

不見清輝又隔年人生能得幾回圓登樓漫落千山
雨憶弟空瞻萬里天欲遣倦懷湏貰酒為酬佳節強
登筵亦知潦倒為吾事燭影歌聲入夜偏

憶昔

憶昔承明侍從朝先皇端拱似神堯萬家簫鼓傳雙
闕三殿風雲護九韶劍佩緩歸青瑣遠蠻夷通款越

雲遙可憐湖上龍飛後人事官曹漸寂寥

破悶

前年置酒陟唐山兄弟無虞季父閒千里晴原饒極
目兩川秋色競開顏於今遼邈仍多故何日逍遙得
好攀積雨轉狂懷轉惡徘徊空望白雲關

二十二日喜雨

經春無雨衆農憂入社看雲銷客愁織貢已悲秦父
老調停爭望漢王侯西疇沾足殊天意上苑逍遙洽
帝遊聞道長鄉能作賦應將黍稷頌成周

涇西村見野老邀食

野老支筇咲問予桃花飛處即吾廬尚思漉酒呼村
妓可暫偷閑駐小車指點杯盤無別饌坐談筐篋有
農書雙顧豁磊衣衫古爾雅安閑我不如一

過渭川草堂

渭川草堂清渭濱無數好花開暮春小牕不受風雨
逼爛醉豈憂兒女嗔數椽自可藉踈豁百畝誰曾辭
賤貧憑君分我萬竿竹令我因之東卜鄰

看山草堂同聶別駕東之小集

去年首夏及君歡今日春深興未闌瀟洒自宜稱吏
隱奔馳何必戴儒冠詩篇老去因情得花鳥新來趣

意看多少舊遊俱不見相逢一笑古來難

薦福寺答隆吉汝公孟獨三君子宴集

東歸暫宿支公舍車馬翩然問我來上利杯盤隨爾
出祇林風物為予開彈碁已盡三龍興草賦還慚兩
謝才寶塔憑君凌絕頂試將空闊望蓬萊

薦福寺將發值歎湖太微二子來餞

禪堂晨起喜清幽野客西歸興不休二妙過予應恨
別一時見爾足消憂林花掩映香臺落旭景霏微寶
殿浮自古城南名勝地何時極意徧追遊

駝峯絕頂眺望在岐山

山堂先生集卷之三
駝峯孤眊鬱嵯峨自覺西來樂事多千折呖看洪水
細雙巖不見白雲過周公禮樂空遺廟謝傳風流有
浩歌太白南瞻真咫尺關中佳氣近如何

第一關次聯句韻上邃菴先生

拂曙披雲到此關喜隨綦履望名山芙蓉半出青天
外沆瀣中分白石間定有神功扶帝力豈須靈藥
駐臣顏攀蘿未覺行游倦細和新詩及暮還

望希夷峽

名山佳氣鬱嵯峨望裏風烟暗薜蘿萬疊春開青錦
障一淙晴下白云窩空將尸解傳茫昧自覺天工厭

琢磨夫子若無驢背笑陳橋誰識大風謔

華州卧病贈東四侍御二首

功成莫羨五湖遊河華山川已自優但使孤懷無染
着不妨薄俗笑淹留相如抱病棲塵榻子晉吹笙醉
玉樓三徑月移花影下歌聲猶伴彩雲流

小屋粧成貯越娃風流那許外人誇要將底事歸風
馬故採新聲托歲華白社追遊東谷在青春尊俎北
山賒明朝更欲西歸去握手相看及暮笳

夜抵鄆杜

城頭擊柝已深更烏鵲不飛河漢明入門祇覺意草

草空室無那蟲薨薨郎官愛客意徒厚野老見兒歡
自生碧山學士燒燈至握手相談鷄亂鳴

趙使君後堂同東谷太微太華諸君子集

使君愛客宴閒堂客醉歌狂殊未央自笑狂言驚四
座虛疑節序到重陽炎天過雨先銷暑美酒當筵
論觴旦日東征更踈濶贈予何惜遠遊章

荅希宋侍御雨中見懷

空堂雷雨送微寒愛汝修修竹萬竿安得雲霄乘羽
翼暫過臺榭恣游觀英帶濕先凝碧墻栢經霜始
放丹游子悲秋愁作客君應花下卜新歡

樓觀二首

仙家樓觀俯層岑，春色融融萬木陰。
檻外歌聲初宛轉，囊中人事幾銷沉。
誰能問道尋幽谷，我欲脩仙憩靜林。
本是無心名利客，悔教髮華到如今。

危樓迥對一峯孤，衰壑平連萬頃蕪。
摩詰畫圖空掩映，伯陽道德豈虛無。
西來澗谷漢馳道，北去河山周故都。
風土不殊人事異，誰將縣歷問司徒。

九日同東侍御閣華州支倅於石橋郵亭集

九日西歸興欲飛，黃花著眼尚依稀。
何須載酒歌清渭，始是登高賦翠微。
落帽風流慚孟史，揮毫詞翰笑

玄暉請看握手同歡處北鴈南鴻喜莫違

郭侍御於移山潭宴王侍御同東侍御集

龍池面面逐山開乘興張筵歷翠臺魚艇暗隨晴靄
去鯨波巧趁暖風迴欲乘倒影躋危磴謾倚微醺坐
古苔鮑謝不來風雅絕高吟今見郢中才

靈寶渡河荅餞送諸公

諸公愛我意無盡遠送河梁春未深銀塘初解柳垂
線蒼巖乍晴鶯弄音野人素性在山水上客高情思
詠吟後會還於小春定誰擬畫圖開竹林

雨中獨坐邀南川過東堂小酌

此雨霏霏似去年西疇平望水如川虛堂徹夜擔花
瀑霄漢何時桂影懸已屬琴樽同縫綫好拚詩賦共
留連朝來更有新成曲好過東堂聽管絃

贈上王比上入選

三十年來伐木情文章空自有時名高懷舉世惟王子
仗義誰人似鮑生風雪灞橋別思遠塵沙梁苑宦情
輕男兒忠孝須兼盡近日明庭憶老成

除夜

歲暮開樽倚竹扉撲簾瑞雪更霏霏却看稚子婆娑
態不用韋娘婀娜衣海上仙人消息近天涯貴客信

音稀獨憐彭楚山陰叟濁酒酣歌興不違

送王郎中還三河

二十年餘始相見人生聚散等浮雲知君已結烟霞侶
笑我仍隨麋鹿群海上漫勞尋秘訣囊中先自有靈文
長亭且盡尊前酒笙鶴還期月下聞

寄辛菴

不見彭翁今十年北風南鴈意悽然勛庸已似邯鄲
夢嘯傲何如王屋天有興幾時遊五嶽無營終日醉
三川埧窺處處知行樂短賦長歌任意編

寄壽李南庄尚書

二十年來間別深白雲空望太行陰銀臺誰識尚書
履汾曲人傳翰墨林此日高堂開壽宴何時尊酒聽
雄吟溫公洛社流傳遠不及南庄笙鶴音

庄上獨坐

山中結屋俯崖陰種樹栽花旋作林豈有佳遊供客
興但將幽賞豁吾襟篇章未領曹劉訣勲勩都非卓
魯心百斛黃粳一盃酒微醺終日坐長吟

三月初九日過潞西看牡丹二首

今日潞西開牡丹携兒漉酒坐相看穠花漫識春風
好密葉休為夜雨殘深院紫泥巢翡翠層樓朱檻宿

鷓鴣衰容任遣韶華逼幽抱常教酩酊寬

年年高宴賞花天明日花開賞更偏昆弟總能吟五
字兒童不必報三鱸匡時已獻賈生疏行樂何須盧
女絃已促行厨烹玉鯉好隨佳節醉瓊筵

西園叱望

五月不來溪上遊溪雲猶自伴溪流雖非給事茱萸
泝絕勝郎官鸚鵡洲半頃稻花迷浴鷺萬株垂柳隱
鳴鳩何當更挈同心者小酌微吟盡日留

初八日候諸公不至同岐東南川於澣西賞花
各賦七言律二首

佳辰每作看花燕老去風流亦可憐黃閣於吾既無
分清谿同汝且隨緣紅英漫道辭枝下綠醕還期醉
月邊千古豪華誰更在請將青鏡問韶年

卜築於茲三十春年來忙似宦遊人羞將白髮隨兒
戲且向青山着此身海內賓朋一旦老林間風月四
時新長吟何必如張翰短酌從他笑李紳

汴東宴集值風雷大作

遲日穠陰接遠空迴谿花柳益龍庭池頭喜見波光
綠汴上驚看落照紅萬壑冥冥龍送雨雙厓隱隱鶴
鳴風凭欄自欲生吟思一瞬烟雲更不窮

彭麓山房答太微見候

君從二曲城西去我向雙厓月下歸夕日烟雲迷古
寺晴天花柳映春暉嬌鶯過嚙娟娟語乳燕衝波故
故飛對景相思期痛飲憑君莫自惜羅衣

奉天途錦夫望之汝公三君子

諸君並是風流客殢酒長歌我不如十載飄零渾一
夢百年問訊祇雙魚詩篇尚憶同趨省組綬空憐共
直廬白髮青袍吾獨老媿從揚子問潛虛

中秋

十年不見中秋月此夜清光倍可憐便擬開樽拚爛

醉何須徙倚待高天癡兒解字仍求賦野老聞歌更
促絃百歲韶華過已半肯教虛對曲欄邊

十月五日

一放丘園二十年年來筋力益非前敢煩學士徵賢
疏復廁天官顧俊篇嘯傲已知多士鄙文章爭擬衆
人傳方將服食求生事此意遙聞倍赧然

酬鄱丞羅子

聞君習靜求山縣却愛山翁遠問予泉石有奇君信
否風雲多態我何如閒居莫著潛夫論靜坐宜看老
子書若道齊生是虛語武陵爭得見秦餘

山居

最愛山居幽興深
竭來終日對芳林
非關長孺辭優詔
自是襄陽愛苦吟
雨霽晚川烟漠漠
月明春塢翠陰陰
相將幸有柴桑叟
漫興何須膝上琴

寄孫岐山

難兄不愧西臺史
令弟優為赤縣侯
往日名家無杜曲
新來文獻有開州
中丞已上旌賢疏
百姓空思卧轍留
後去若逢宣室問
先將民事報宸旒

許西道中見落花示同遊三子

不信許西春已深
落紅驚見滿芳林
可憐一月風兼

雨那得千壺賞更吟此度諸君同漫興他時佳節想
登臨夕陽似識山翁意亦放明光出翠岑

試筆

石室棲遲近十年老人虛擬洞中仙平生畏暑非耽
寂老去便幽反類禪霜斂小桃猶有箇風翻細草若
生烟襟懷落拓原無為祇愧當時抱甕賢

即事

夕日登臨雨乍晴水光山色益縱橫何須梵伎調銀
甲自有仙人吹玉笙萬里相思無雁至一年蕭瑟有
詩成東籬又報黃花發悵望空堂蟋蟀鳴

三原拜馬處士丈

門前翠竹上干霄
院內青松色未凋
種樹年年收棗栗
看山日日伴漁樵
明時不作河陽尉
樂歲聊為汜上謠
鶴髮青藜真自得
瞻依寧惜馬蹄遥

華州夜坐

野寺昏鍾隔凍林
山城歆雪畫陰陰
客邊命酒愁難破
夢裏思鄉怨亦深
錯以詞章違素志
漫將閒暇愜初心
誰言未是山林骨
一觸風塵自不禁

華州逢焦視遠還整屋

客裡相逢雨雪時
壯遊歸去意俱遲
看花已負登高

約抱璞空懷失路悲
北極風雲應待尔
西州豪俊更為誰
青尊無限別離意
何日書來慰我思

華陰同李侍御望嶽

層樓望嶽翠岩堯
晴日曠隴雪漸消
秀麗永為三輔鎮
巍峩長作四方標
神光日日扶洪化
靈氣年年翊聖朝
歆共高真尋白帝
冷風何事向人影

陝州望平陸

隔岸依依見戍樓
滿天飛雪動鄉愁
雲山咫尺分三晉
郡縣蕭條滯一郵
刺史已非龔渤海
郎官誰是魯中牟
朔風日日催行色
安得從容望遠遊

謝宗易雨中之作

雨過涼生客到稀
小窓依約有殘暉
當軒喜見疎簾靜
透戶驚看社燕飛
隊逐喧喧免弄艇
遶簷匝匝竹稍靡
新詩欲報非才思
冒雨衝泥此願達

李宗易亭子

君家亭子接昆明
曲檻回簷画不成
最愛薰風吹座入
偏宜好鳥向人鳴
池頭綠樹涵波影
砌外青藜帶雨聲
睡起題詩閒視艸
却疑身在錦官成

二十一日與吳二小集

二十年前曾賴君
病軀愁忍不堪云
何當一別看俱

老再涉多虞事豈聞樽酒西堂歌舊曲藍輿東浙坐
微醺明朝我欲華山去渭水迢迢接暮雲

寄蔡承之

十年不見蔡中郎空辱青書寄草堂累幅總憂嗣續
事百年那慰別離腸還丹有訣無心鍊近事多虞祇
自傷何日同遊滄海上却將往事笑荒唐